

東鄉縣志卷三十一

祥異

和氣致祥乖氣致異此理之必然也雖一邑之小其祥異之分亦未嘗不以其氣召之故治得其道則人物恬熙治失其道則災稔疊見徵諸往事歷歷不爽令斯土者安可忽視而不以之自省哉志祥異
秦始皇時有長人二十五丈見於宕渠縣治
前蜀王建武成元年彗星見於鬼長丈餘

東鄉縣志

卷三十一 祥異 一

水

宋寧宗嘉定九年二月東西兩川地震三月東川大

元世祖大德五年八月庚辰彗星出井二十四度經天貫索星長丈餘至天市垣巴蜀之東凡四十日乃沒

成宗元貞二年彗星出井入紫微垣

明世宗嘉靖元年全蜀大旱

神宗萬歷元年東鄉縣虎伏城郊不傷人畜十一年五月東鄉大水

皇清

順治六年秋七月朔七日一月一星以次順行
至晚乃沒通省皆見

康熙七年東鄉縣城隍廟鐵像自動三十四年全省
郡邑大有年

雍正元年全蜀大稔

嘉慶十二年邑民張萬年妻王氏年一百四歲援例
給銀三十餘兩建坊

旌表並給與貞壽之門字樣又奉

旨加恩賞給上用緞一疋銀十兩

東鄉縣志

卷三十一

祥異

二

嘉慶十三年邑民黎鳳蘭妻趙氏一產三男俱皆存

活邑令詳請給米五石布十疋

嘉慶十三年邑民楊先明妻唐氏年九十餘歲五世
同堂奉

旨旌表建坊給與慶衍期頤匾額